

Kommunit aqunneqarnerat pillugu Inatsisartut inatsisissaattut siunnersuut
Nunami Namminermi Pissutsinut, Pinngortitamut Avatangiisinullu Tunngasunut
Naalackersuisumit saqqummiunneqartoq)

pillugu

Nunami Namminermi Pissutsinut Ataatsimiititaliap

ILASSUTITUT ISUMALIUTISSIISUTAA

Siunnersuutip pingajussaaneerpeqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Isak Hammond, Inuit Ataqatigiit, siulittaasoq
Inatsisartunut ilaasortaq Astrid F. Rex , Demokraatit, siulittaasup tullia
Inatsisartunut ilaasortaq Kaali Olsen, Inuit Ataqatigiit
Inatsisartunut ilaasortaq Hans Enoksen, Siumut
Inatsisartunut ilaasortaq Kristian Jeremiassen, Siumut

Siunnersuut pingajussaaneerpeqannginnermini ataatsimiititaliamit suliareqqinneqarnissaminut innersuunneqassasoq ataatsimiititaliap siunnersuutip aappassaaneerpeqarnerani inassutigaa. Tassa inatsisissatut siunnersuummi §§-ni 34-mi aamma 44-mi kukkunerit paasineqartut naq-qillugit Naalackersuisut siunnersuutip pingajussaaneerpeqarnissaanut allannguutissatut siunnersuummik saqqummiussinissaat ataatsimiititaliap isumaqatigiittup qinnutigimmagu.

Ataatsimiititaliap siunnersuummik suliarinninnera


Ataatsimiititaliap inassuteqaataa malillugu inatsisissatut siunnersuummi §§-it 34 aamma 44 pillugit allannguutissatut siunnersuummik Naalackersuisut saqqummiussisut ataatsimiititaliap iluarisimaarlugu maluginiarpaa. Allannguutissatut siunnersuut 10. november 2010-meersoq ilanngussatut isumaliutissiissummut matumunnga ilanngunneqarpoq.

Ataatsimiititaliap inassuteqaatai

Naalackersuisut allannguutissatut siunnersuutaat akuersissutigineqassasoq ataatsimiititaliap isumaqatigiittup inassutigaa.

Tamatuma kingorna iluserilikkamisut iluseqarluni Naalakkersuisut inatsisissatut siunnersuutaat akuersissutigineqassasoq ataatsimiititaliap isumaqatigiittup inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.




Isak Hammond
Siulittaasoq




Astrid F. Rex
Siulittaasup tullia



Kaali Olsen



Hans Enoksen



Kristian Jeremiassen

10. november 2010

UKA 2010/25

NAQQIUT
Allannguutissamut siunnersuut 4. november 2010-meersoq
taarserpaa

Allannguutissatut siunnersuut

uunga

**Siunnersuut uunga: Kommunit aqunneqarnerat pillugu Inatsisartut inatsisaat nr. xx, xx
 xx 2010-meersoq**

Pingajussaaneerinninnissamut Naalakkersuisunit saqqummiunneqartoq.

§ 34-mut

1. § 34 imm. 1, ima oqaasertaqassaaq:

”Imm. 1. Kommunalbestyrelsimi ilaasortat pisussaapput ataatsimiititalianut qinigaanitik akuerissallugit, takuuk §§ 24, 26 aamma § 31, aammalu suliassat allat kommunalbestyrelsip akuersineratigut suliareqquneqartut.”

§ 44-mut

2. § 44 imm. 3, ima oqaasertaqassaaq:

”Imm. 3. Ilassutitut aningaasaliissutaasut tamarmik paasissutissanik imaqassapput aningaasartuutissap akuersissutigineqartup suminngaaniit akilerneqarnissaanik, aammalu ukiunut missingersuusiorfiusunut kinguneqartussaannersoq ilanngullugu nassuiarneqassaaq. § 42, imm. 3 aamma ilassutitut aningaasaliissuteqarnermi malinneqartassaaq.”

Allannguutissatut siunnersuummut nassuiaatit

Aalajangersakkanut ataasiakkaanut nassuiaatit

Nr. 1-imut

Aalajangersakkap naggataata tungaa siunnersuummi kukkunikkut ilanngunneqarsimanngilaq.

Nr. 2-mut

Siunnersuummi § 41, imm. 3-mut innersuussineq kukkuneruvoq imalu iluarsineqarluni § 42, imm. 3.